

आकाशवाणी

1. भारत नै बांग्लादेश गी अल्पसंख्यकें दी सुरक्षा गितै गैंs पुट्टने लेई आखेआ ऐ।
2. प्रधानमंत्री नरेंद्र मोदी होर 3 दिनें लेई ओडिशा दे दौरे पर गेदे न।
3. गृह मंत्री अमित शाह होरें अखिल भारतीय पुलिस महानिदेशक ते इंस्पेक्टर जनरल सम्मेलन दा उद्घाटन कीता।
4. राज्यसभा दे उपसभापति हरिवंश होरें डॉ. राजेंद्र प्रसाद यादगारी लेक्चर गी संबोधित कीता ऐ।
5. पी.वी. सिंधू ते लक्ष्म्य सेन सैयद मोदी अंतरराष्ट्रीय बैडमिंटन प्रतियोगिता दे सेमीफाइनल च पुज्जी गए न।

<><><><><><>

India-Bangladesh

भारत नै बांग्लादेश गी अल्पसंख्यकें दी सुरक्षा लेई सबबै जरूरी कदम पुट्टने लेई आखेआ ऐ। नमीं दिल्ली च पत्रकारें गी संबोधित करदे होई विदेश मंत्रालय दे प्रवक्ता रंधीर जयसवाल होरें आखेआ जे भारत लगातार ते तगड़ेयाई कन्नै बंग्लादेश च हिंदुएं ते अल्पसंख्यकें गी निशाना बनाइए कीते जा'रदे हमलें गी पुट्टा'रदा ऐ। उनें आखेआ जे भारत दा रूख इस मामले च स्पष्ट ऐ ते बांग्लादेश गी अल्पसंख्यकें दी सुरक्षा सरबन्धी अपनी जिम्मेदारी निभनी लोड़चदी।

प्रवक्ता होरें बंगलादेश च बदा'रदे अत्तवाद ते हिंसा आहली घटनाएं पर चेंता जाहिर कीती। चिनमय कृष्णदास हुंदी गिरफ्तारी पर जयसवाल होरें आखेआ जे कनूनी प्रक्रिया चलारदी ऐ ते मेद जाहिर कीती जे प्रक्रिया निरपक्ख ते पारदर्शी ठंग्गै कन्नै चलोग। अमरीका दी इक अदालत आसेआ भारतीय कारोबारी उप्पर पुज्ज देने दे आरोपें दा परता दिंदे होई श्री जयसवाल होरें आखेआ जे एह मामला इस निजी कंपनी, व्यक्ति ते अमरीका दे न्याs मैहकमे बश्कार ऐ। उनें एह बी आखेआ जे भारत सरकार गी इस सरबंथै च पैहले सवां कोई जानकारी नेई दिती गई ही।

<><><><><><>

PM-Odisha

प्रधानमंत्री नरेंद्र मोदी होर ओडिशा दे 3 दिनें दे दौरे लेई अज्ज संझा भुवनेश्वर पुज्जी गए। उनें बीजू पटनायक अंतरराष्ट्री हवाई अड्डे दे कोल इक जनसभा गी संबोधित कीता। उनें आखेआ जे केंद्र सरकार ओडिशा दे मान गी प्राथमिकता देआ रदी ऐ। उनें आखेआ जे केंद्र सरकार ओडिशा दे मान गी प्राथमिकता देआरदी ऐ। उनें आखेआ जे राज्य च भारतीय जनता पार्टी दी सरकार बनदै गै माताएं ते भैनें लेई सुभद्रा योजना आहला लेखा कल्याणकारी योजना शुरू कीतियां गेइयां न। प्रधानमंत्री होरें हवाई अड्डे सवां राजभवन तोड़ी रोड शो च बी हिस्सा लैता जेदे मगरा ओह बीजेपी दे राज्य दफ्तर जांगन।

<><><><><><>

Shah-Inaugurates

केंद्री गृह मंत्री अमित शाह होरें भुवनेश्वर च अज्ज पुलस महानिदेशकें ते महानिरीक्षकें दे अखिल भारतीय सम्मेलन दा उद्घाटन कीता। त्रै दिनें तोड़ी चलने आहले सम्मेलन च अंदरूनी सुरक्षा, साइबर अपराध, माओवादी खतरे, तटीय सुरक्षा ते मसनुई ज्ञान ते ड्रोन जनेई अज्जै-कल्लै दियें टेक्नालजिएं थमां उभरदी चुनौतियें पर विचार-बटांदरा करना शामिल ऐ। सम्मेलन च राश्ट्रीय सुरक्षा सलाहकार, केंद्री गृह सचिव, सब्बै राज्यें ते केंद्र शासित प्रदेश दे पुलस महानिदेशक ते CRPF, NSG, IB ते SPG दे प्रमुख ते होरनें अफसर बी शामिल हे। आतंक रोधी रणनीतिएं दे बारे बी चर्चा होने दी मेद ऐ। प्रधानमंत्री नरेंद्र मोदी होर बी इस सम्मेलन च कल ते फही अगले ध्याड़े बी शामिल होडन। प्रधानमंत्री हुंदे दफतर नै जानकारी दिती जे श्री मोदी हुंदा इस कार्यक्रम च शामिल होने लेई इच्छुक न तां जे नमियें काइं दे बचारें गी चर्चा राएं अगगे बढ़ावा दिता जा। तोआई प्रधानमंत्री होर भुवनेश्वर पुज्जे ते उत्थे इक्क जनसभा गी बी संबोधित कीता।

<><><><><><>

RS

राज्यसभा दे उपसभापति हरिवंश होरें मुखै दे विकास च साबका राश्ट्रपति ते भारत रत्न डॉ. राजेंद्र प्रसाद हुंदे योगदान उप्पर लो पाई। उनें समाज दे कल्याण लेई डॉ. प्रसाद हुंदे आसेआ झल्ली गेदी मुश्कलें दा बी जिक्र कीता। हरिवंश होरें आकाशवाणी आसेआ आयोजित कीते गेदे डॉ. राजेंद्र प्रसाद यादगारी लेक्चर गी संबोधित कीता। उनें लोकें गी डॉ. प्रसाद हुंदी जीवन यात्रा बारे जागरूक करने

लेई आखेआ। प्रसार भारती दे मुख कार्यकारी अधिकारी गौरव द्विवेदी होरें आकाशवाणी दी भूमिका बारे गल्ल करदे होई आखेआ जे अपनी स्थापना सवां गे आकाशवाणी मुखे दी अवाज बनी गेदा ऐ। इस मौके पर आकाशवाणी महानिदेशक प्रजा पालिवाल गौर होर बी मौजूद हियां।

<><><><><><>

India-UK

भारत ते बरतानिया दे रक्षा मंत्रालय नै कल Portimouth थाहर भारतीय नौसेना गितै Electric Propulsion सरिस्ते दे डिजाइन घाट ते विकास आस्तै साथ-सहयोग लेई इक मंशा पत्र उप्पर दस्तखत कीते न। रक्षा मंत्रालय नै आखेआ जे संयुक्त कार्यकारी ग्रुप दी त्री बैठक दौरान मंशा पत्र पर कीते गेदे इस दस्तखत दा मकसद भारतीय नौसेना लेई Electric Propulsion दी समर्थ च बाददे लेई किट्ठे डिजाइन बनान ते निर्माण करने च साथ-सहयोग करना ऐ। मां पत्र उप्पर भारत दी तरफां आयुक्त सचिव राजीव प्रकाश ते बरतानिया दी तरफा Reas Admiral Stone MC Carthy होरें दस्तखत कीते।

<><><><><><>

Cyclone

बंगाल दी खाड़ी दे दक्खन पच्छिम च अज्ज दपैहरी तोड़ी समुंद्री तूफान फैलजल बना'रदा हा। इलाके दे मौसम मैहकमे ने आखेआ जे समुंद्री तूफान दे कल दपैहरी तोड़ी महाबलिपुरम ते करायकल बश्कार समुंद्री कंडे तोड़ी पुज्जने दी मेद ऐ। झिगड़े इलाकें च रवा रदे लोकें गी सुरक्षित रखने लेई 2 जहार 229 राहत शिविर स्थापित कीते गए न। राज्य दे 9 जिलें लेई ओरेंज अलर्ट आहली

चेतावनी जारी कीती गई ऐ। लोकें गी एहतियातन गेंs पुट्टने ते घरें च गै सुरक्षित रौहने दी सलाह दिती ऐ की जे समुंद्री तूफान कारण ब्हाऊ दे 70 थमां 80 किलोमीटर प्रति घंटे दे साब्वै चलने दी मेद ऐ।

<><><><><><>

Weather

जम्मू-कश्मीर च अज्ज रातीं थमां मौसम खराब होने ते केईं थाहें पर बरखा ते उच्चे प्हाड़ी इलाकें च हौली बर्फबारी दी मेद ऐ। मौसम विभाग नै कल्लै थमां लेइयै अगले त्र'ऊं दिनें तगर प्रदेश दिएं मती सारी थाहें पर मौसम खराब रौहने दी पेशगोई कीती ऐ। विभाग विभाग दा आखना ऐ जे अज्ज रातीं थमां मौसम च बदलाव होग ते केईं थाहें पर हौली बरखा ते उच्चिएं धारें पर हल्की बर्फबारी होई सकदी ऐ। 3 दिसम्बर शा लेइयै औंदी 6 दिसम्बर तगर मौसम खुश रौहने दी मेद बी जताई गई ऐ।

<><><><><><>

Bus-Accident

महाराष्ट्र दे गोडिया जिले च अज्ज दपैहरी सड़क सुर्जनी थाह होए दे शिड़क हादसे च 9 जनें दी मौत होई गई। भंडारा सवां गोडिया जारदी राज्य ट्रांसपोर्ट दी इक बस अपना नियंत्रण मुआई बैठी ते पलटी गई जेदे करी 9 जनें मारे गए ते 30 होर घायल होई गए। घायलें गी गोडिया जिला अस्पताल लेता गेआ। उपमुख्यमंत्री देवेन्द्र फडनवीज होरें दुर्घटना पर दुख जाहर कीता ते जिला ऐहलकारें गी घायलें दा तुरत ते बेहतर इलाज करने दा निर्देश दिता। मुख्यमंत्री

एकनाथ शिंदे होरें मरने आहलें दे परिवार आहलें गी 10-10 लक्ख रुपें देने दी घोशणा कीती ऐ।

<><><><><><>

NHAI

जरनैली शिड़कें सरबंधी भारती प्राद्यिकरण-NHAI नै अपने फील्ड दफतरें गी अज्ज एह निर्देश दिता ऐ जे ओह राष्ट्र जरनैली शिड़कें पर सफर करने आलें दी सुरक्षा लेई दिक्खी सकने दे लेहाज कन्नै लोड़चदे हीले करन। इनें हीलें गी द'ऊं श्रेणिएं च बंडेया गेदा ऐ। इंदे चा इक इंजीनियरिंग ते दुआ सुरक्षा जागरूकता ऐ। इंजीनियरिंग सरबंधी हीलें च जरनैली शिड़कें पर सुरक्षा सरबंधी चिन्ह स्थापित करना ते सुरक्षा जागरूकता हीलें तैहत लोकें गी जरनैली शिड़कें पर घट्ट रोशनी आहली स्थिति बारै जागरूक बनाया जाना शामिल ऐ। NHAI दे फील्ड दफतरें गी इब्बी निर्देश शिड़कें पर रातीं दे बेल्ले नियमित निरीक्षण यकीनी बनान ते निरीक्षण आहली इस टीम च NHAI दे अधिकारी, होर दुए इंजीनियर ते ठेकेदारें गी बी शामिल कीता जाना लोड़चदा ऐ। एहदे अलावा बड़ी मती धुंध ते कोहरे आहली थाहें पर गश्ती दलें गी तैनात रखेआ जाहग।

<><><><><><>

ADGP-Jammu

जम्मू जोन दे अतिरिक्त पुलस महानिदेशक आनंद जैन होरें चेतावनी दिंदे होई राष्ट्र बरोधी नियत या आतंकवादियें दा साथ-सहयोग देने आहले लोकें गी गंभीर नतीजे दा सामना करना पोग। उनें आखेआ जे जम्मू च आतंकवादी हमले ते इये नेय घटना खित्ते च शांति ते रमानदारी गी खराब करने दे मकसद कन्नै

कीते गे हे। जम्मू पुलस ते होरनें सुरक्षा एजेंसिएं आसेआ आतंकवादी तंत्र उप्पर नकेल कस्सने गितै इक प्रेस कांफ्रेंस गी संबोधित करदे होई ADGP होरें आखेआ जे शैहरदारें गी सौहगा रौहना लोड़चदा ते कनून नाफिज कराने आहिलियें एजेंसिएं कन्नै सहयोग करियै कुसै इक शुबे आहली नकलो हरकत दे बारे दस्सने दे बारे बी आखेआ। उनें जम्मू-कश्मीर पुलस दे धेड़यै गी दोहराया जे ओह खिते दी शांति, रमानदारी गी आतंकवादियें दे इको तंत्र ते प्रणाली पर नकेल कस्सियै काबू करने दी गल्ल आकखी। उनें अग्गे आखेआ जे 7 फरार आतंकवादी जेड़े जे इस बेल्ले पी.ओ.जे.के थमां अपने भैड़े मनसूबें गी जारी रक्खियै कम्म करा'रदे न दियें कुल संपत्तियें गी अटैच कीती गई ते होरनें 29एं फरार आतंकवादियें दी संपत्ति दी पंछान करिये अटैच करने दी प्रक्रिया चलाई दी ऐ। पुंछ जिले च दऊं हाइब्रिड आतंकवादियें दी गिरफ्तारी पर ADGP Jammu होरें आखेआ जे पिछले बरे दौरान होए दे ग्रेनेड हमलें दी गुत्थी सुलाई लैती गई ऐ ते 2 आतंकवादियें गी जिले च गिरफ्तार कीता गेआ ऐ ते उंदे ठकाने थमां हथियार, गोला-बरूद बरामद कीता गेआ ऐ।

<><><><><><>

UGC UG Degree

युनिवर्सिटी ग्रांट कमिशनर-यूजीसी तौले गै ग्रैजुएट विद्यार्थिएं लेई डिग्री कोर्सें दी अवधि घट्ट करने जां उसी बधाने दा विकल्प प्रदान करोग। यूजीसी नै तुरत ते विस्तारित डिग्री कार्यक्रम लेई मानक प्रचालन प्रक्रियाएं गी मंजूरी देई दिती ऐ। आयोग दे अध्यक्ष जगदीश कुमार होरें मीडिया गी दस्सेआ जे तुरत डिग्री कार्यक्रम कन्नै विद्यार्थिएं गी हर इक सेमेस्टर च बाद्दू क्रेडिट हासल करियै त्रै

बरें जां चार बरें दी डिग्री घट्ट समें च हासल करी सकने दी सौख होई जाहग।

<><><><><><>

CS-Exam

मुख सचिव अटल डुल्लु होरें अज्ज सिविल प्रशासन ते पुलस मैहकमे दे ऐहलकारें दी इक बैठक लाइयै जम्मू-कश्मीर सर्विस सलैक्शन रिक्रूटमेंट बोर्ड (एसएसआरबी) दे राहें पुलस कांस्टेबलें दी ताल लेई म्तेहाने लैने गितै डिप्टी कमिशनरें आसेआ कीती गेदी तैयारिएं दा जायजा लैता। मुख सचिव होरें अधिकारिएं पर जोर पाया जे ओह म्तेहानें लेई अमले दी तैनाती दे लेहाज कन्नै लोइचदे सब्बै प्रबंध जकीनी बनान। उनें डिप्टी कमिशनरें गी आखेआ जे ओह जिन्ने मुमकन होन, म्तेहान केन्द्रें दा आपूं दौरा लान ते बाकी दे म्तेहान केन्द्रें दे दौरे लेई जिला प्रशासन दे सीनियर अधिकारिएं गी नियुक्त करन। एहदे शा पैहले एसएसआरबी दिएं चेयरपर्सन इंदु कंवल चिब होरें बैठक दरान एह जानकारी दिती जे पुलस कांस्टेबलें दिएं 4 जहार 2 असामिएं लेई पैहली दिसम्बर थमां 22 दिसम्बर दे दरम्यान होने आहले म्तेहान लेई 5 लख उनाठ जहार 135 मेदवारें आवेदन कीते दा ऐ।

<><><><><><>

Badminton

भारती बैडमिंटन खड्गारी पी.वी सिंधु ते लक्ष्य सेन, सैय्यद मोदी अंतर्राष्ट्रीय सुपर 300 बैडमिन्टन प्रतियोगिता दे सेमीफाईनल च पुज्जी गे न। लखनऊ दे

बाबु बनारसी दास इन्डोर स्टेडियम च होए दे अपने-अपने मुकाबलें च दौनें
खड्गारिएं सिद्धे सैंटें च जित हासल कीती। लक्ष्य सेन होरें हमवतन मीराबा
लुवांग मेसनाम गी 21-8, 21-19 कन्नै हराइयै मुकाबला अपने नांस कीता
जिसलै के पी.वी. सिंधु होरें चीन की दाई वांग गी 21-15, 21-17 कन्नै शिकस्त
दिती। उंदा एह मुकाबला 48एं मिंटे तगर चलेया।

<><><><><><>